

AKE OUNKCHIIYAPI ETKIYA CHANKU KIN HE

WANIYETU IYOHI TAKU ECHUNPI OHDAKAPI

MANITOBA INDIGENOUS RECONCILIATION SECRETARIAT

2022/23



Waustanpi Upteceda Oyakapi: Manitoba Imahed Okiciuwastepi Canku Etkiya

Okiciuwatepi Canku Etkiya Wokage kin he wana ikce wicasta oyate ehannatan makoce makokaspe uhapkin akan Manitoba ehdepin abdezapi. Wokage kin nakun ehannatan wasicu ikce wicasta ob ounkiyaba, ob wowapiutanpi hena abdezapi Manitoba makokaspe oitacankin dehanya hena iwastepkin abdezapi. Sumpa nakun Manitoba Oitacan taku abdezapkin he, wasicu miniwanca opta ahehunipkin hetanhan, wasicukin hena wosice nina ota ikce wicasta ahdihe wicayapi, anpetu dehanye. Woopekagapi ohena, woabdezekin he, Wookiciuwastepte kin han ikce wicasta, ikce wicasta oyate hena, ehanna tawooyake, tawoiapi, taoihduhapkin hena ahopapte. Nakun okiciuwastepte kin han hena tokaha kte heced wasicu unkagapta teheya wosice unkauhab hena ihankekte.

Manitoba iyokpikiciyapta owokuwa ota ahtanipi hecun koyehan, wooyakekin de taku Manitoba Oitacan kuwapkin, April 1, 2022, March 31, 2023 hed otaheda hena eceda awowapi kagapi. Manitoba Ikce Wicasta Iyokpikiciyapi Wowapi Kagkiyapi kin he wokuwapkin hena upteceda owas owoyakekin ded owa, Iyokpikiciyapi Canku Waniyetu Wanzi Opta Wooyakekin de isakowin.

Uecetupte (CTA): Wowicake Iyokpikiciyapi Weecunkiyapi ahake ehanke woyakapi wowapi hed wikcemna topa taku uecetupta owapi hena owas okagapi. Woaihpeyapi okise kin Manitoba Oitacan wokuwa ahtanipi tukte ohena ikce wicasta wasicu akiyeced wicakuwapsni kin hena enazin kta kuwap kin hena owapi. Owokuwakin de na okodakiciye, wowaste ecun waecunpi ota ob wohdakapi, tukte ohna siceca awanwicayakapi, waunspe wicakiyapi, wozani awanyakapi, woowotanakta awanyankapi, ikce wicasta oihduhe nakun iapkin hena akiyeced wicakuwapta ahtanipi.

Uecetupte (CTA): Iyokpikiciyapi okise kin he tukte ohna ikce wicasta wasicu ohokcida opiiceyapta apatanya ahtanipi, kahun tokatakiya oyate owas akiyeced kicicuwapte, tuwe owas opekiciyapte.

Oman Iyokpikiciyapi Woskanpi owapi hed okaspe iyamni kin hed owokuwa tona Wowicake Iyokpikiciyapi Waecunwicakiyapi Unci Maka ed (CTA) akab skanpi hena nakun opeya owapi. Okaspekin de ehakab okise wan tukte ohena winyan wikoske wosice awicauhapkin hena un wokuwa woskanpi owapi, nakun Manitoba toked Winyan Wikoske Mawicanupi nakun Wicaktepi Oyate Woiwangapi (MMIWG-NI) hega nakun Uecetupte (CTA) woaupte wicakupi hena uotanipi.

Wooyake Wowapkin ded ahake okise kin he Manitoba Oitacan toked tokatakiya necehenna wokuwa woskanpi ecum hena ahtanipte makokaspe imahed, wowicake nakun iyokpikiciyapi makokaspe imahed etkiya.